

07. november 2018

UKA2018/226

Naalackersuisut suliffeqarfittut innuttaasunik tapersersortarialinnik suliffissaqartitsisunik nalunaarsugaasut pillugit inatsisissatut siunnersuummik kingusinnerpaamik UKA2019-mi saqqummeqqullugit Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

IA-kkut inatsilioqqusipput innuttaasunik ikiortarialinnik sulisoqarsinnaanermut sinaakkusiisussanik aammalu suliffissaqartitsisunik nalunaarsuisumik.

Inuiaat tamarmik imaqarluartumik inuuneqarnissaat tamatta qulakkeeqataaffigissallugu pisussaaffigaarput. Innuttaasut inuiaqatigiinni kivitseqataasut, peqataasut, akuusut aammalu siuarsaaqataasut tamarmik pisariaqartippavut. Immikkut tapersersortariaangutta tapersersortariaangikkaluaruttaluunniit.

Inuiaqatigiit nalilersorneqartarput qanoq inuppalaartigisumik innuttaminnillu qitiutitsitiginersoq sannginnerusortaminnut qanoq politikkeqarneri nalilerneratigut. Immitsinnut aperisinnaavugut ilumut inuiaqatigiittut aqqissugaavugut immikkut tapersersortariaqakkatsinnut tamakkiisumik akuutitsilluta? Taamatut isumaqanngilagut taamaamat siunnersuutigineqartoq assut tunngaviatigut isumaqatiginarpoq.

Ullumikkut tamakkiisumik inuiaqatigiinni suliffimmik naliginnaasumik ingerlatsisinnaangikkaanni siusinaartumik sulisinnaajunnaarnersiutinik tunngaviliinnarlugit inuiaqatigiinni sulinikkut akuutitsiunnaartarnerput aqqiissutaanngilaq tamanit iluarisimaarneqartoq. Amerlasuutigut piffissap ilaani pineqartut sulilaarsinnaasutut imminnut isigisarput, sanngiippallaarlutilli tamakkiisumik suliffeqarsinnaanerminnik. Sulisinnaanermut aqqissuussineq flexjobeqarsinnaanermut annerusumik aqqissuussisinnaaneq pisariaqartinneqarpoq. Timip tarnillu kivissinnaasai aallaaviginerullugit inummut tulluurtumik aqqissuussisinnaaneq annertusartariaqarparput. Amerlapput oqartartut suliffeerutsitaaneq aningaasarsiaannarmik nalilersuutaanngitsoq. Inuiaqatigiinnut toqqaanartumik sunniutaarunnermik misigineq, allatuulli naleqartutut misigiunnaarneq aammalu annerulaartumik isertitaqarsinnaaneq annertuutigut uuttuutitut atorineqartarput. Tamanna pingaaruteqarpoq tunaartarlugu sulinissami aammalu peqataatitsiffiusumik ingerlatsiniarnermi – aamma immikkut tapersersortariaqartut eqqarsaatigilluinnarlugit.

Siunnersuuteqartutuut isumaqarpugut ullutsinni suliffeqarfippassuit immikkut tapersersortarialinnik sulisoqarsinnaanerminnik piareersimasut aammalu akisussaaqataajumasut, kisiannili nalornisarnermik oqariartorsimanerat aamma paasilluinnarparput. Pineqartut allatuulli ittunnginneri ilisimaa-

Nunatta Qitornai

Inatsisartuni



ralugu, pisinnatitaaffiit, sulisitsisut iliusissaat, akissaateqartitsineq, attaveqartarneq assigisaalu nalornissutigineqarnerini namminerlu paasiniaasaarnissamik iliusissamik ujartuinissamut piffissaajaa-taasinnaanera peqqutigalugu sulisoqarnissaminnik tunuarsimaarsinnaaneri paasisinnaavagut. Inatsisitigut periutsitigullu tunuliaqutserneqarnissaat isumaqatigaarput.

Naalakkersuisut pineqartumut naaperiuteqarnerat torraangeqaarput, aammalu sunniuteqarnissaat inatsisitigut immikkut sillimaniarfigineqartoq iluarisimaarlutigu. Piffissaliusseq suliassallu tulleriaar-nissai kalluangassaalu eqqarsaatigalugit naalakkersuisut allannguutissatut siunnersuutaat taperser-parput inassutigalugulu siunnersuut ilaqtariinnermut ataatsimiittitaliamit suliarineqassasoq.

Qujanaq siunnersuuteqartunut.